



## Munudau Cyfarfod Bwrdd Partneriaeth Rhanbarthol Gogledd Cymru

14 Hydref 2022

9:00 am to 1:00 pm

Dros Zoom

Yn bresennol:	Mary Wimbury (Cadeirydd), Alwyn Jones, Alison Kemp (yn bresennol yn lle Alyson Constantine), Andrea Hughes, Ann Woods, Catrin Roberts, Sally Baxter (yn bresennol yn lle Chris Stockport), Cyng. Elen Heaton, Cyng. Dilwyn Morgan, Cyng. John Pritchard, Cyng. Gary Pritchard, Dylan Owen, Estelle Hitchon, Ffion Johnstone, Fôn Roberts, Gill Harris (yn bresennol yn lle Jo Whitehead), Helen Corcoran, Iwan Davies, Jenny Williams, Julie Francis (yn bresennol yn lle Sam Parry); Lucy Reid, Nicola Stubbins, Dawn Holt (yn bresennol yn lle Neil Ayling), Meinir Williams-Jones, Shan Lloyd Williams, Teresa Owen
Ymddiheuriadau:	Alyson Constantine, Chris Stockport, Cyng. Alun Roberts, Cyng. Liz Roberts, Cyng. Christine Jones, Dave Hughes, Jo Whitehead, Dr Lowri Brown, Neil Ayling, Ricki Owen, Sian Tomos, Sam Parry, Trudy Ellis
Hefyd yn bresennol:	Kathryn Whitfield, Rheolwr Rhaglen, Gwasanaethau Di-dor ar gyfer Pobl ag Anableddau Dysgu (ar gyfer eitem 2 ar y Rhaglen) Stephanie Hall, Swyddog Cynllunio a Datblygu, Gwasanaethau Di-dor ar gyfer Pobl ag Anableddau Dysgu (ar gyfer eitem 2 ar y Rhaglen) Kim Killow, Swyddog Cynllunio a Datblygu, Gwasanaethau Di-dor ar gyfer Pobl ag Anableddau Dysgu (ar gyfer eitem 2 ar y Rhaglen) Jane Trowman, Cyfarwyddwr Cynorthwyol Dros Dro - Cymorth i Gartrefi Gofal a Chomisiynu Gofal Iechyd Parhaus (ar gyfer eitem 3 ar y rhaglen) Janine Edwards, Rheolwr Prosiect Rhanbarthol, Asesiad o Anghenion y Boblogaeth (ar gyfer eitem 4 ar y rhaglen) Sarah Bartlett, Rheolwr Canolbwynt Cydlynu Arloesi Rhanbarthol Gogledd Cymru (yn bresennol ar gyfer y gweithdy)

### 1 Croeso, cyflwyniadau ac ymddiheuriadau

Croesawodd y cadeirydd bawb i'r cyfarfod a nodwyd yr ymddiheuriadau uchod.

Croesawodd y Cadeirydd y Cyng. Dilwyn Morgan yn ffurfiol fel yr is-gadeirydd a Dylan Owen, a benodwyd yn ddiweddar fel Cyfarwyddwr Corfforaethol a Chyfarwyddwr Statudol Gwasanaethau Cymdeithasol, Cyngor Gwynedd.

Fe wnaeth y cadeirydd hefyd ddiolch i Delyth Lloyd Williams, cynrychiolydd Gofalwyr am ei chyfraniad i'r bwrdd, a dymunodd yn dda iddi ar gyfer y dyfodol.

## 2 Adroddiad Bywyd ar Ôl Ysgol

Roedd KW, KK a SH yn bresennol i gyflwyno 'Bywyd ar ôl Ysgol', sydd wedi'i gyd gynhyrchu gyda phobl ifanc o glwb ieuencid TAPE, gan ddarparu manylion y siwrnai i bobl ifanc sydd ag anableddau dysgu yng Ngogledd Cymru.

Mae'r prosiect yn canolbwyntio ar bobl ifanc ag anableddau dysgu yn symud ymlaen o ysgol uwchradd arbenigol, ac mae'n canolbwyntio ar ba mor dda y mae'r rhanbarth yn bodloni anghenion datblygu unigol ar hyn o bryd; beth sy'n gweithio'n dda/ddim yn gweithio'n dda a chwmpas ar gyfer arfer da

Mae'r prif ganfyddiadau'n cynnwys:

- Data;
- Y Ddeddf;
- Profiad o bontio;
- Coleg arbenigol;
- Opsiynau a chyfleoedd ôl 16

Mae'r adroddiad a'r argymhellion wedi cael eu hadolygu gyda Swyddfa Comisiynydd Plant Cymru sydd â chysylltiadau â'r gwaith ar Dim Drws Anghywir. Mae'r cynnydd ar ddiweddariad o fewn y prif argymhellion yn cynnwys:

- Cynnig ôl-16 rhanbarthol Deddf Anghenion Dysgu Ychwanegol a'r Tribiwnlys Addysg Cymru – polisïau/protocol pontio rhwng iechyd, gofal cymdeithasol ac addysg;
- Llwybrau i gyflogaeth – Strategaeth Cyflogaeth â Chefnogaeth Gogledd Cymru ar gyfer pobl ag anableddau dysgu – model Gwasanaeth Cyflogaeth â Chefnogaeth newydd o fis Ebrill 2023 (blaenoriaeth allweddol pobl ifanc) – cais i'r Gronfa Integreiddio Rhanbarthol;
- Technoleg – cwmpasu gydag ysgolion, arfer da a nodi adnoddau eraill i gefnogi pontio ac annibyniaeth;
- Angen dull cyfannol at Gynllun Datblygu Unigol e.e. cynllunio ymlaen llaw ar gyfer llety sy'n allweddol i'r rhai sydd â'r anghenion mwyaf cymhleth. Anelu at fynd i'r afael drwy'r grŵp ôl-16 oed;
- Gwella Prosiect Pontio Teuluol

Gofynnwyd yn ystod y drafodaeth:

Bod amserlen ar gyfer gweithredu a chydabyddiaeth gan y sector cyhoeddus, colegau ac ati a diweddariad arfaethedig ar y gwaith hwn yn cael ei ddarparu i gyfarfod y Bwrdd Partneriaeth Rhanbarthol yn y dyfodol.

Mae ffrwd waith amserlen newydd wedi'i roi ar waith a bydd y bwrdd yn cael gwybod am yr holl waith.

Mae integreiddio i gymunedau yn dibynnu ar barodrwydd y gweithle, a rhoddir sylw iddo drwy'r strategaeth gweithle dan gymorth i fynd i'r afael ag anghenion dysgu a hyfforddi penodol unigolion.

Roedd Bwrdd Partneriaeth Rhanbarthol Gogledd Cymru yn gytûn i nodi'r gwaith Bywyd ar ôl Ysgol, a bydd adroddiad diweddarau'n cael ei ddarparu i gyfarfod Bwrdd Partneriaeth Rhanbarthol Gogledd Cymru yn y dyfodol.

### **3 Cynyddu Capasiti Cymunedol**

Rhoddodd JT drosolwg o'r cynllun rhanbarthol mewn perthynas â Chapasiti Cymunedol Ychwanegol ar gyfer Gogledd Cymru sy'n cefnogi llif cleifion ar gyfer y gaeaf. Gofyniad LIC ledled Cymru yw 1000 o leoliadau, gyda 243 o leoliadau ar draws Gogledd Cymru.

Mae 6 thema wedi cael eu nodi i ganolbwyntio ar y gwaith hwn ac mae'n cynnwys:-

- Gwneud y gorau o Ryddhau o'r Ysbyty
- Cam i lawr er mwyn adfer
- Cynyddu Capasiti Cartref Gofal
- Gweithlu
- Ehangu'r Trydydd Sector
- Osgoi derbyn i'r Ysbyty

Nid oes cyllid ychwanegol wedi bod ar gael gan Lywodraeth Cymru i ddarparu'r gofyniad hwn, bydd y cyllid ar gael trwy'r

Gronfa Integreiddio Rhanbarthol a/neu gyllidebau gofal.

Mae gwaith sylweddol eisoes wedi'i wneud ar draws y bwrdd iechyd a gwasanaethau cymdeithasol; mae'r Uned Ddarparu yn cyfarfod bob pythefnos ac mae trafodaeth hefyd yn cael ei chynnal mewn fforymau amrywiol eraill ar draws y rhanbarth, gyda'r Trydydd Sector a'r sector Tai wedi'u nodi fel rhai allweddol i ddatblygu a chyflwyno mentrau i wella canlyniadau i boblogaeth Gogledd Cymru.

Hyd yma, mae diffyg o 10% o'r targed cyffredinol o 243 wedi'i nodi. Mae 13 o gynlluniau ariannu sy'n darparu dros 200 o leoliadau wedi'u nodi gyda 25 o gynlluniau pellach ar y gweill i gyflawni'r diffyg.

Mae'r capasiti wedi aros yn ei unfan am yr ychydig wythnosau diwethaf, sy'n arwydd o heriau cyn y gaeaf a'r angen brys i gynyddu capasiti yn y gymuned lechyd a Gofal Cymdeithasol. Dywedodd JT y bydd Bwrdd Partneriaeth Rhanbarthol Gogledd Cymru yn cael ei hysbysu drwy'r cyflwyniadau sy'n cael eu cynnal gan yr Uned Ddarparu i LIC bob pythefnos.

Dyweddod SLW fod Prif Weithredwyr Cymdeithas Tai Gogledd Cymru wedi cysylltu â'r Uned Ddarparu i drafod ym mha ffordd y gallai'r Sector Tai gydweithio, a chadarnhaodd JT y bydd cyfarfod yn cael ei drefnu'n fuan.

Holodd MW sut roedd y gwaith yn mynd rhagddo gyda darparwyr cofrestredig, a sut mae capasiti yn cael ei ddefnyddio ym maes gofal cartref a chartrefi gofal.

Dyweddod JT y bydd yr Uned Ddarparu yn dilyn y broses Mynegi Diddordeb i gartrefi gofal i ddarparu gofal llai dwys, ac mae grwpiau ffocws hefyd wedi'u cynnal gyda darparwyr.

Mae problemau o hyd yn y farchnad gofal cartref gyda darparwyr yn trosglwyddo pecynnau yn ôl i Awdurdodau Lleol, mae'r farchnad yn parhau i fod yn fregus ac mae'r Uned Ddarparu wedi cysylltu â recriwtio tramor mewn ymgais i gefnogi'r sector.

Credai LR fod angen gwneud rhagor o waith mewn perthynas ag osgoi derbyn i'r ysbyty i ddarparu cymorth i Gartrefi Gofal; gyda chymorth yn cael ei ddarparu i staff gynnal sgysiau anodd a chael yr hyder i ryddhau a gweithio yn unol â'r canllawiau cenedlaethol newydd a'r polisi rhyddhau newydd.

Dyweddod NS fod gwaith yn cael ei wneud ar hyn o bryd yn BIPBC i ddeall sut mae'r Model rhyddhau i adfer ac yna asesu (D2RA) yn cyd-fynd â'r gwaith ar y 6 nod, i wneud asesiadau rhyddhau i adfer yn haws i'w llywio. I gael y canlyniad gorau, mae angen lleoli unigolion mewn cartref gofal gydag ail-alluogi therapiwtig, a dull system gyfan.

Hysbysodd GH am ddigwyddiadau Gofal Sylfaenol a drefnwyd yn BIPBC, ac anogir partneriaid i gyfrannu eu harbenigedd i'r digwyddiadau hyn, i gefnogi'r datrysiad gorau i osgoi derbyniadau i'r ysbyty yn y lle cyntaf.

## Cynllun y Gaeaf

Dyweddod CR mai dim ond manylion Cynllun y Gaeaf BIPBC y gofynnwyd amdanynt ar gyfer LIC eleni; nid oes cyllid ychwanegol ar gael ar gyfer y gwaith hwn ac mae gwaith yn mynd rhagddo mewn perthynas â thrafodaethau. Bydd Cynllun y Gaeaf yn cael ei drefnu gan y Tîm Cydweithio Rhanbarthol, ac wrth wneud hynny, bydd yn rhoi dealltwriaeth o'r gweithgarwch sy'n digwydd ledled y rhanbarth, a bydd y rhanbarth wedi'i baratoi'n dda i ymateb i unrhyw ddiwygiadau wrth iddynt godi.

Bydd Cynllun y Gaeaf yn cael ei gyflwyno yng nghyfarfod Bwrdd Partneriaeth Rhanbarthol Gogledd Cymru ym mis Tachwedd.

## Camau Gweithredu:

- Angen dosbarthu data Capasiti Cymunedol diweddaraf yr Uned Ddarparu – RW
- Cynllun y Gaeaf – BPRhGC Tachwedd

## 4 Data'r Cyfrifiad

Derbyniodd y bwrdd ddiweddariad gan JE ynglŷn â data cyfrifiad newydd.

Mae'r cyfrifiad, a gynhelir bob 10 mlynedd, yn darparu gwybodaeth y mae Awdurdodau Lleol a'r Bwrdd Iechyd ei hangen i ddatblygu polisiâu, cynlluniau ac i ddyrannu cyllid.

Yn dilyn cyfrifiad 2020, mae'r set gyntaf o ganlyniadau wedi dechrau treiddio drwodd. Darperir y canlyniadau ar lefel sylfaenol y boblogaeth wedi'i thalgrynnu ar lefel awdurdod unedol yn unig a chyfrif o amcangyfrifon aelwydydd.

Mae'r wybodaeth a ddarparwyd yn amlygu'r prif ganlyniadau ar gyfer Gogledd Cymru, cymhariaeth â seiliau poblogaeth eraill, goblygiadau posibl a'r amserlen rhyddhau data.

Bydd rhagor o wybodaeth fanwl am broffil, gwaith, sefyllfa economaidd, iechyd a nodweddion a ddiogelir y boblogaeth yn cael eu rhyddhau fesul cam dros y 18 mis nesaf.

Cynigiodd JE gefnogi a chynorthwyo partneriaid rhanbarthol gydag ymholiadau ynghylch y cyfrifiad/mwy o ymchwiliad i faterion data, wrth iddynt godi dros y 18 mis nesaf.

Dywedodd JE na fydd yr Asesiad gwreiddiol o Anghenion y Boblogaeth yn cael ei adnewyddu, ond bydd yn cael ei adael fel dogfen safonol. Yn lle'r ddogfen, caiff y testunau eu hadnewyddu ar gyfnod treigl; ymgwymerir â thai a digartrefedd yn gyntaf gan fod hyn yn cael ei weld fel bwch yn y gwaith gwreiddiol. Bydd y penodau'n cael eu diweddarau'n flynyddol, yn barod ar gyfer adolygiad 5 mlynedd nesaf yr Asesiad o Anghenion y Boblogaeth, pan fydd y rhan fwyaf o'r wybodaeth eisoes ar waith.

Manylion Cyswllt Tîm Cydweithio Rhanbarthol:

Janine Edwards, Rheolwr Prosiect Rhanbarthol, Asesiad o Anghenion y Boblogaeth - 01824 706103

Janine.edwards@denbighshire.gov.uk

Y Cyfrifiad (cydweithredfagogleddcymru.cymru)

## 5 Cyllid Cyfalaf Rhanbarthol

Derbyniodd y bwrdd ddiweddariad gan CR ar y ddwy ffrwd cyllid cyfalaf rhanbarthol newydd, ac amlinellodd CR y broses benderfynu ranbarthol arfaethedig a'r strwythur llywodraethu ar gyfer prosiectau cyfalaf i alluogi'r Bwrdd Partneriaeth Rhanbarthol i symud ceisiadau am gyllid ymlaen i Lywodraeth Cymru.

Y Gronfa Tai â Gofal (Dyraniad o £14.2 miliwn wedi'i ddosbarthu i bartneriaid):

Mae angen i'r rhanbarth roi rhagolwg cadarn i LIC o wariant ariannol eleni (o'r £14.2 miliwn o gyllid Y Gronfa Tai â Gofal a ddyrannwyd ar gyfer 2022 / 2023) erbyn 31 Hydref 2022;

- Y rhagolygon ar hyn o bryd yw y bydd £7 miliwn o'r cyllid hwn heb ei ddyrannu. Hyd yn hyn mae 7 cais gwerth cyfanswm o £2.6 miliwn wedi'u cyflwyno a disgwylir 12 cais ychwanegol gwerth cyfanswm o £4 miliwn ynghyd â'r Rhaglen Gyfalaf Dewisol o £775,000;
- Mae Tîm Prosiect y Tîm Cydweithio Rhanbarthol yn cadw mewn cysylltiad â phartneriaid ledled y rhanbarth i fonitro y bydd cyllid a ddyrannwyd sydd wedi'i gadarnhau ar gyfer 2022 / 2023 yn cael ei wario yn y flwyddyn ariannol hon, ac i nodi cynlluniau eraill i wneud y mwyaf o'r cyllid;
- Mae LIC wedi cadarnhau na all cyllid y Gronfa Tai â Gofal sydd heb ei ddyrannu ar gyfer 2022 / 2023 gael ei gario ymlaen;
- Rhagwelir y bydd cyllid y tu hwnt i 2022 / 2023 yn cael ei ddefnyddio'n llawn;

Cronfa Gyfalaf Integreiddio ac Ailgydbwysu (Partneriaid i gyflwyno cais am y buddsoddiad hwn, wedi'i rannu dros 3 blynedd - £50 miliwn (2022-23); £60 miliwn (2023-24); £70 miliwn (2024-25):

- Oherwydd oedi gyda dogfennaeth, mae partneriaid wedi bod yn cyflwyno ceisiadau am gyllid trwy'r broses braenaru a osodwyd gan LIC ar ddechrau'r flwyddyn ariannol. Mae'r cynigion ariannu gyda LIC ar hyn o bryd ac rydym yn aros am ragor o ohebiaeth;
- Fel rhan o'r cynlluniau, mae'n ofynnol i bob Bwrdd Partneriaeth Rhanbarthol ddatblygu Cynllun Cyfalaf Strategol 10 mlynedd, gan ddod â phartneriaid iechyd, gofal cymdeithasol, tai, y trydydd sector, addysg ac adfywio ynghyd i ddatblygu datrysiad sy'n seiliedig ar lety o ran cyfleusterau darparu gwasanaeth integredig.
- Mae cydweithwyr rhanbarthol ar hyn o bryd yn gweithio gyda phartneriaid ar y drafft cyntaf y mae LIC yn gofyn amdano erbyn 30.4.2023, y cynllun terfynol erbyn 31.7.2023;
- Mae LIC wedi dyrannu £200,000 o gyllid posibl i ddatblygiadau adnoddau, i gefnogi Byrddau Partneriaeth Rhanbarthol i adeiladu arbenigedd a gallu staff i ddatblygu'r cynlluniau hyn.

Cytunwyd ar strwythur llywodraethu rhanbarthol Cyfalaf yng Nghyfarfod o'r Grŵp Arweinyddiaeth ym mis Mawrth, ac oherwydd lefel cymhlethdod y ffrwd gwaith cyfalaf cytunwyd i sefydlu Bwrdd Rhaglen i reoli cronfeydd cyfalaf. Yn dilyn recriwtio'r Rheolwr Rhaglen Gyfalaf Rhanbarthol, cynigir hefyd bod Panel Cymeradwyo'r Gronfa Gyfalaf yn cael ei sefydlu i gefnogi'r broses, drwy dynnu ar arbenigedd ar draws y rhanbarth i sicrhau proses gadarn i herio ceisiadau, ac mae gwaith wedi mynd rhagddo ar ddatblygu proses Gymeradwyo'r Gronfa Gyfalaf ac aelodaeth a strwythur Bwrdd y Gronfa Gyfalaf a Phanel Cymeradwyo'r Gronfa Gyfalaf.

Dywedodd CR fod angen i'r broses a ddefnyddir i adolygu a chymeradwyo ceisiadau fod mor syml â phosibl a'i bod yn cyd-fynd â'r trefniadau

llywodraethu/amserlen sydd eisoes ar waith, a bydd y wybodaeth yn cael ei chyflwyno i'r Bwrdd Partneriaeth Rhanbarthol ym mis Tachwedd/Rhagfyr.

Gofynnir i Fwrdd Partneriaeth Rhanbarthol Gogledd Cymru:

- Nodi'r sefyllfa ar y ffrydiau ariannu cyfalaf rhanbarthol newydd.
- Cymeradwyo strwythur llywodraethu ac aelodaeth arfaethedig Bwrdd y Gronfa Gyfalaf.
- Cymeradwyo strwythur llywodraethu ac aelodaeth arfaethedig Panel Cymeradwyo'r Gronfa Gyfalaf

Amlygwyd y canlynol yn y drafodaeth:

- Mae'n synhwyrol i gael proses i herio cynigion yn gadarn gydag unigolion ag arbenigedd sydd eisoes yn rhan o'r Bwrdd Cyfalaf yn hytrach na chreu strwythurau ychwanegol;
- Mae angen i wybodaeth am aelodaeth Bwrdd y Gronfa Gyfalaf a Phanel Cymeradwyo'r Gronfa Gyfalaf fod yn glir, ac mae angen gwybodaeth bellach ynghylch pwy sy'n penderfynu sut mae enwebiadau'n cael eu penodi;
- Angen ail ystyried teitl Panel Cymeradwyo'r Gronfa Gyfalaf – er mwyn sicrhau bod pawb yn deall eu rôl – nid yw'r Panel yn gyfrifol am gymeradwyo, dim ond i herio ac adolygu, bydd y gymeradwyaeth yn nwylo Bwrdd Partneriaeth Rhanbarthol Gogledd Cymru;
- Sut bydd y Bwrdd a'r Panel yn bwydo i mewn i'r Bwrdd Partneriaeth Rhanbarthol;
- Sut y gallwn sicrhau mewnbwn priodol gan y bartneriaeth ehangach i gynllunio cynigion cyfalaf.

Adroddodd CR fod un bwrdd ar gyfer y ddwy swydd wedi'i ystyried, ond byddai'r Panel Cyfalaf yn fyrrach ac wedi'i ddiffinio, yn cyfarfod yn fisol i sicrhau nad oes oedi gyda cheisiadau, a byddai'r Bwrdd Cyfalaf yn cyfarfod bob chwarter.

Cytunodd CR y byddai'r adroddiad ar aelodaeth a phenderfyniadau'n cael ei gyflwyno drwy'r Grŵp Arweinyddiaeth ddiwedd mis Hydref i'w gymeradwyo. Mae gwaith hefyd yn dechrau ar ymgysylltu â'r bartneriaeth ehangach ar y Cynllun Strategol Cyfalaf 10 mlynedd, gan groesawu pob mewnbwn. Mae'r tîm rhanbarthol yn cyfarfod â phartneriaid i drafod cynlluniau posibl ar gyfer y 12 mis nesaf.

Camau Gweithredu:

1. Nodi'r sefyllfa ar y ffrydiau ariannu cyfalaf rhanbarthol newydd.
2. Aelodaeth, llywodraethu a strwythur Bwrdd y Rhaglen Gyfalaf – ar raglen mis Tachwedd i'w cymeradwyo
3. Panel Cymeradwyo'r Gronfa Gyfalaf:
  - Angen ail ystyried yr enw
  - Llywodraethu ac aelodaeth i'w drafod yng nghyfarfod Bwrdd Partneriaeth Rhanbarthol Gogledd Cymru mis Tachwedd

## 6 Diweddariad BIPBC

Derbyniodd y bwrdd ddiweddariad byr ar lafar gan GH am BIPBC.

- Mae dau benodiad allweddol wedi'u gwneud i'r newid sefydliadol diweddar:
  - Cyfarwyddwr Gofal Sylfaenol – Karen Higgins, dechrau ym mis Ionawr 2023
  - Cyfarwyddwr Gofal Iechyd Integredig y Dwyrain – Michelle Green, dechrau ym mis Ionawr 2023
- Nifer cynyddol o Covid mewn ysbytai
- Llai o ymwybyddiaeth o Covid yn y gymuned oherwydd diffyg profion. Disgwylir arweiniad pellach gan LIC.
- Diweddariad cadarnhaol ar frechiadau Covid a brechiadau rhag y fflw – holl staff iechyd a gofal cymdeithasol i gael eu hannog i gael y brechlyn
- Cynllun Gwella YGC yn ennill tir

## 7 Gweithdy Bwrdd Partneriaeth Rhanbarthol Gogledd Cymru

Darparodd MW y cyd-destun i'r gweithdy. Amharodd pandemig Covid ar waith Bwrdd Partneriaeth Rhanbarthol Gogledd Cymru, ac mae'r gweithdy wedi'i gynllunio er mwyn dod o hyd i ffyrdd newydd o weithio, i adeiladu strwythurau cadarn a chynllunio a throsolwg o amser yn hytrach nag ymateb i ddigwyddiadau.

Mae cydweithwyr Bwrdd Partneriaeth Rhanbarthol Gogledd Cymru eisoes wedi dweud nad ydynt am ddychwelyd i gyfarfod wyneb yn wyneb. Fodd bynnag, ar ôl siarad ag aelodau newydd y Bwrdd, byddai rhai yn croesawu cyfarfod wyneb yn wyneb. Am y rheswm hwn, bydd un cyfarfod yn y dyfodol, a fydd yn rhoi digon o rybudd i gydweithwyr, yn cael ei gynllunio yn 2023 i gyfarfod wyneb yn wyneb. Bydd y cyfarfod hwn yn gyfarfod byrrach, rhwng 9:30 – 11:30, gan roi amser ar gyfer teithio i'r lleoliad ac oddi yno.

Cyflwynodd CR a SB Weithdy Cynllunio Bwrdd Partneriaeth Rhanbarthol Gogledd Cymru, gan adrodd ar y negeseuon allweddol o arolwg aelodau'r Bwrdd Partneriaeth Rhanbarthol, y gwelliannau arfaethedig a chrynhoi'r Cynllun Ardal, cyfeiriad gan Lywodraeth Cymru, y modelau gofal cenedlaethol ar gyfer iechyd a gofal cymdeithasol o dan y Gronfa Integreiddio Rhanbarthol, a strwythur Bwrdd Partneriaeth Rhanbarthol Gogledd Cymru wedi'i ategu gan flaenoriaethau'r Asesiad o Anghenion y Boblogaeth ac Adroddiad ar Sefydlogrwydd y Farchnad.

Amlygodd yr aelodau'r canlynol yn y drafodaeth:

- Cytuno ar Gynllun Gwaith i'r Dyfodol gan roi amcanion clir, blaenoriaethau, a chynnydd ar brosiectau
- Byddai angen calendr treigl er mwyn i gynrychiolwyr gyflwyno astudiaeth achos/stori yn y sesiwn nesaf
- Argymhelliad ychwanegol – diweddariad bob yn ail gyfarfod ar y Gronfa Integreiddio Rhanbarthol - gwariant, ymrwymiad, risgiau a materion a



fyddai'n ddefnyddiol i gadw ffocws pawb ac i wneud y defnydd gorau o adnoddau.

- Ystyried newid enw o Fwrdd Partneriaeth Rhanbarthol Gogledd Cymru, lle mae unigolion yn cael trafferth deall rôl a swyddogaethau'r Bwrdd – h.y. Bwrdd Iechyd a Gofal Gogledd Cymru, a sut mae hynny'n cyd-fynd â strwythurau cenedlaethol.
- Mae angen i dempled adrodd newydd fod yn glir i bawb, beth yw gofyniad Bwrdd Partneriaeth Rhanbarthol Gogledd Cymru, a dylai gynnwys crynodeb byr o'r penderfyniad sydd ei angen, gan roi eglurder i bob eitem unigol.
- Angen adlewyrchu'r Grwpiau Cynllunio Clwstwr yn y strwythur adrodd
- Mae angen rhagor o waith o fewn sefydliadau i sicrhau bod aelodau etholedig yn deall rôl a swyddogaethau Bwrdd Partneriaeth Rhanbarthol Gogledd Cymru

Gwahanwyd aelodau'r Bwrdd i 4 ystafell drafod i drafod 3 thasg, a bydd y sylwadau a gasglwyd yn cael eu cyflwyno i gyfarfod Bwrdd Partneriaeth Rhanbarthol Gogledd Cymru ym mis Tachwedd.

## **8 Cofnodion a chamau gweithredu o'r cyfarfod diwethaf**

Cytunwyd ar y cofnodion o gyfarfod 8.7.2022 fel cofnod cywir o'r cyfarfod blaenorol.

Camau gweithredu sydd eto i'w cwblhau:

- Trafodaeth ynghylch enwebu ail is-gadeirydd – cyfarfod ym mis Ionawr unwaith y bydd holl swyddi BIPBC wedi'u cadarnhau
- Dosbarthu copïau terfynol Cymraeg a Saesneg o Adroddiad Blynyddol Bwrdd Partneriaeth Rhanbarthol Gogledd Cymru - RW
- Datblygiad Cymunedol Carlam - canfyddiadau'r gweithdy ar ôl eu cwblhau - RW
- Cronfa Integreiddio Rhanbarthol - Gofynnodd TO a oedd y ffigurau a ddarparwyd ar gyfer Plant ar gyfer plant gwahanol neu'r rhai a fynychodd fwy nag unwaith a chytunodd CR i ddarparu ymateb y tu allan i'r cyfarfod - CR i gwrdd â TO
- Gwerthusiad cenedlaethol y Gronfa Gofal Integredig a'r gwerthusiad rhanbarthol i gael eu cyflwyno i gyfarfod y Bwrdd Partneriaeth Rhanbarthol yn y dyfodol – Tachwedd/Rhagfyr

## **9 Unrhyw Fater Arall**

Dim byd i'w adrodd

## **10 Cafodd y dogfennau canlynol eu cynnwys er gwybodaeth:**

- Aelodau Defnyddwyr Gwasanaeth, Gofalwyr, Trydydd Sector a Darparwyr Byrddau Partneriaeth Rhanbarthol – adroddiad terfynol gan y Grŵp Tasg a Gorffen
- Cynlluniau ar gyfer gwelyau ysbyty wedi'u datgomisiynu:
  - Llythyr gan Rocio Cifuentes MBE
  - Llythyr gan Sir Frank Atherton
- Dim Drws Anghywir - llythyr ac ymateb dilynol
- Cyflwyniad gan Michelle Williams a James Lewis

## **11 Dyddiad y cyfarfod nesaf: Dydd Gwener 11 Tachwedd 2022**